

ՔՈՒՐԱԿԶԱՅԻ ԴԱՇՆԱԳՐՈՒԹՅԱՆ ՀԱՐՑԻ ՇՈՒՐՋ

Վ. Ա. ՀԱԿՈՐՅԱՆ

XIX դարը Ղարաբաղը դիմավորեց անշափ փոթորկոտ և տագնապալից պայմաններում: Նախորդ դարավերջից ստանձնած բեռը ծանրանալով՝ գրեթե դառնում էր անտանելի: Հայաշխարհն ապրում էր իր բազմադարյան պատմության թերևս ամենամռայլ, ստեպ-ստեպ առկայծող հույսերի և հուսալքման ժամանակաշրջանը: Աղա Մահմադ խանի ավերիչ արշավանքները, Դաղըստանի Օմար խանի թալանչիական հարձակումները, գերեվարությունները երկրամասը վերածեցին ավերակույտերի: Արտաքին անպաշտպանվածությունն ավելանում էր ներքին մղձավանջը. մի քանի տարիներ տևած երաշտը, դրանից բխող սովը, ժանտախտը, մահտարածամերը Ղարաբաղը դարձրին կատարյալ Սոդոմ-Գոմոր: Հայությունը ստիպված տարագրվելով իր պատմական հայրենիքից՝ ապաստան էր որոնում Շաքիում, Շիրվանում, Վրաստանում և այլուր: Արտագաղթն իր շափերով նախատիպը շունբու: Դրան զուգարկում էր նաև բռնագաղթը: Ղարաբաղի իրական տերերի և եկվոր Իբրահիմ խանի միջև տասնամյակներ շարունակ և փոփոխակի հաջողություններով ընթացող պատերազմներում հաղթողի դասին ի վերջո բաժին հասավ Շուշիի նորաթուխ տիրակալին՝ ավերչնականապես ջնջելով հայոց հարցը: Ղարաբաղում¹: Իբրահիմին այժմ մնում է միայն փաստական հաղթանակին տալ իրավական ձևակերպում: Իսկ պարտված հայ մելիքները լքելով հայրենի եզերքները և դառնալով աստանդական, ոռոսաց կառավարության ցուցումով ի վերջո հանգրվանեցին Վրաստանում²: Նրանք ոչ միայն իրենց հետ տարան Ղարաբաղի հայության մի մասը, այլև բնակչության նորանոր զանգվածներ գաղթեցնելու նպատակով նոր հաստատված տարածքներից³ պարբերաբար հարձակումներ էին կատարում փրենց նախկին տիրույթների վրա, ձգտում ամայացնել երկիրը և Իբրահիմին զրկել տնտեսական հիմքերից: Ղարաբաղի վերջնական հայաթափումը քաղաքական տեսանկյունից ձեռնտու լինելով Շուշիի խանին, տնտեսապես նրան կդարձնեք ոչնչություն, քանի որ վերջինս կիշխեր խոպանացած մի երկրի, ասել է թե՛ ոչնչի: Ահա թե ինչու խանի հակաքայլերի և իրենց երկրում ապրելու հայության կամքի դրսևորման պայմաններում մելիքները ունեցան միայն մասնակի հաջողություններ: Չնայած սոսկալի նոսրացմանը, հայությունը մնում էր լեռնային Ղարաբաղի միակ էթնիկական խումբը⁴: Այդպիսին էր Ղարաբաղի ընդհանուր կացությունը, երբ դարասկզբին Ռուսաստանը կրկին օրակարգ մտցրեց Այսրկովկասում իր տի-

1 Լ և ո, Հայոց պատմություն, հ. 4, Երևան, 1984, էջ 281:

2 Պավել Ա-ն, ընդառաջելով հայ մելիքների՝ ոչ առանց Հ. Արդուսյանի դիտարկմամբ կադմած խնդրագրին, 1799 թ. հունիսի 2-ին հատուկ հրովարտակով Ղարաբաղի մելիքներին հնարավորություն է տալիս ընդունել վրացական հպատակություն և իրենց բնակչությամբ մշտական բնակության վայր ընտրել Գուգարքը:

3 Վաթնդայի մելիք Զումշուղը վրաց Գեորգի Խազավորից ստացավ լուրին, Գյուլիստանի մելիք Աբովը՝ Բոլնիսը, նրա եղբոր որդի մելիք Ֆրեյդունը՝ Բորչալուի մի մասը և այլն: Մելիքների հույսերը՝ նոր հաստատված և հայահոծ տարածքներում ստեղծել խամսայի կարգավիճակով մի երկիր, մի շարք հանգստանքների բերումով ի դեռե եղան:

4 Որոշ չափով մահմեդականներ էլային միայն Շուշիում, ուր բնակություն էին հաստատել Փանահի և Իբրահիմի կողմից դաշտային շրջաններից տեղահանված իրենց ցեղակիցները՝ որոշ չափով պղծելով ի սկզբանե հայկական և միատարր հայաբնակ երկրամասի էթնիկական անաղարտությունը:

րապետությունն ամրագրելու հարցը՝ «բայց ոչ այն վարդապետն և պատրանալից դույներով, որոնք նախորդ տասնամյակներին ուրվագծում էին այդ տիրապետությունը»⁵:

XVIII հարյուրամյակի վերջնագծից սկսած, Ռուսաստանը հրաժարվեց եկատերինյան ժամանակաշրջանի սուվորովների, պոտյոմկինների, զուբովների ազատական հովվերգությունից, ըստ որի այսրկովկասյան քրիստոնյաներին՝ վրացիներին և հայերին ներառելով ռուսաց գալիստների հովանու ներքո, շնորհվելու էր խամաճիկային, «դուստր» պետություններ ունենալու իրավունք՝ դառնալու համար ոչ միայն Այսրկովկասում Ռուսաստանի տիրապետության հաստատագրման հավատարիմ հետակետեր, այլև հարավային տարջրեր մխրձվելու հուսալի ոստնյակներ: Ռուսաստանի պաշտոնական հայեցակետի մարմնավորման մեջ վերջին դեր չէր վերապահվում և Ղարաբաղին, որի արտահայտությունն էր թեկուզ և կայսրուհի Օկատեֆինային իշխան Կ. Պոտյոմկինի հղած նամակի թովանդակությունը: Նշելով «լարաբաղում մեկիքներից մեկի գլխավորությամբ հայկական պետություն ստեղծելու և այդ պետության շուրջը հայկական մյուս նահանգների սերտոման հրատապությունը, իշխանն ավելացնում է. «Այսպիսով Ասիայում կվերականգնվի մի քրիստոնեական պետություն՝ համաձայն Ձեր կայսերական սեփության խոստումներին...»⁶:

Պավելյան, ապա ալեքսանդրյան Ռուսաստանը դիմադարձվելով այս քաղաքականությունից, ցրեց հայերին և վրացիներին պատած պատրանքային սշուշը: Սիայն ռեպլից դիտելով Այսրկովկասի մի մասի հոշոտումը Աղա Նախագ խանի հրոսակների կողմից, Ռուսաստանը տարածաշրջանը դրեց կատարված փաստի առջև: Հայերն ու վրացիները ֆիզիկական բնաշնչման օրհասի ներքո ճարահատյալ արդեն պատրաստվում էին հրաժարվել ինքնավար պետություններ ստեղծելու գաղափարից և հաշտվել շարյաց փոքրագույնի՝ առանց հատուկ կարգավիճակի կայսրության տիրապետության մեջ մտնելու հետ, իսկ մահմեդական խաներն էլ, մասնավորապես Իբրահիմը, դեմ չէին լինի քաղաքական դաշնագրություններով իրենց իշխանապետությունը պահպանելով դառնալ կայսեր վասալներ և ստանալ նրա բարյացակամ հովանավորությունը: Այս քաղաքականությունն իր նախնական արտահայտությունը գտավ Վրաստանի հանդեպ, որը 1801 թ. մանիֆեստով բռնակցվեց Ռուսաստանին՝ թաղելով 1783 թ. Կեորգևսկի դաշնագրության էությունը, որով Վրաստանի թագավորությունը պետք է ներառվեր Ռուսաստանի հովանու ներքո: Այժմ ոչ միայն այդ թագավորությունը լուծարվեց, այլև արքայական տոհմի մեծ մասը ենթարկվելով նվաստացման՝ արտաքսվեց Վրաստանից, շնայած նվաճողին հատուկ փարիսեցիական ոճով մանիֆեստում շեշտվում էր Ռուսաստանի օժանդակությամբ իր դառը ճակատագրից Վրաստանի ազատագրման կարևորությունը, ուր իբր հիմնվում էր մի կառավարություն, որը «կկարողանար ամրապնդել արդարադատությունը, անձնական և կալվածական ապահովությունը և ամեն մեկի համար հաթախել օրենքի պաշտպանությունը»⁷:

Ակնհայտ էր, որ Ռուսաստանը հետամտում էր ողջ Այսրկովկասը նվաճելու և գաղութացնելու նպատակը: Այս պայմաններում արևելյան կեղծավորությունը յուրացրած, շրջահայաց և հեռատես Իբրահիմից պարտություն կրած Ղարաբաղի մեկիքներին ոչինչ չէր մնում, քան աշակցել այդ քաղաքականությանը, իսկ հաղթողի դերում հանդես եկող Շուշիի խանին՝ Ռուսաստանի հետ կնքել վերջինիս վհակապետական իրավունքներն իր վրա տարածելի դաշնագրություն՝ պահպանելու համար հայկական Ղարաբաղի նկատ

⁵ Բ. Ուլուբաբյան, Արցախի պատմությունը սկզբից մինչև մեր օրերը, Երևան, 1994, էջ 172:

⁶ Армяно-русские отношения в XVIII в., т. IV, Ереван, 1990, с. 241.

⁷ В. Потто, Утверждение русского владычества на Кавказе, Тифлис, 1901, с. 36.

մամբ խանի և նրա ժառանգների տիրապետության անսասանությունը: Նման դաշնադրությունը բխում է թե՛ Պարսկաստանի հարվածի տակ՝ հալոնված Ղարաբաղի խանության, թե՛ Ռուսաստանի շահերից:

Նախքան 1804 թ. Պարսկաստանի դեմ պաշտոնական պատերազմի մեջ մտնելը, Ռուսաստանը գործուն քայլերի դիմեց իր դիրքերն Արևելյան Վրաստանի հարակից տարածքների վրա ամրագրելու ուղղությամբ: Այսպես, 1803 թ. Ռուսաստանին կցվեց Միգրելիան: Նույն թվի աշնանը ռուսական զորքերը Վրաստանի կառավարչապետ Պ. Ցիցիանովի⁸ հրամանատարությամբ շարժվեցին դեպի Գանձակ: Ռուսական արշավանքին մասնակցում էին նաև հայ և վրացի կամավորներ, ինչպես նաև Գանձակի և նրա շրջակայքի հայ ազգաբնակչության մի մասը: Հայ կամավորական ուժերին առաջնորդում էր Լոռիում հաստատված Վարանդայի մելիք Զումշուգ Մելիք-Շահնազարյանը: Ռուսական բանակում էին գտնվում նաև ներսես Աշտարակեցին և Թիֆլիսի հայոց հոգևոր առաջնորդ Հովհաննես Գեղարդակիրը: Մի խոսքով, հայերի համակրանքն այս անգամ ևս ռուսների կողմն էր, իսկ Իբրահիմը դաշինք կնքեց իր վաղեմի թշնամի Գանձակի Զավադ խանի հետ՝ կասեցնելու համար Ցիցիանովի առաջխաղացումը: Սակայն այդ դաշինքը չփրկեց Գանձակի խանին և դեկտեմբերին քաղաքը գրավվեց: Շուշիի խանին մնում էր միայն թալանչիական ասպատակություններ կատարել Գանձակի արդեն ռուսացած տիրույթների ուղղությամբ՝ զանց առնելով Ցիցիանովի սպառնալիքները: Թվում է, թե հերթը հասել էր Ղարաբաղի խանության գրավմանը: Սակայն Թիֆլիսի կառավարչապետը նպատակահարմար է գտնում այդ հարցը լուծել խաղաղ ճանապարհով՝ հիմնական ուժերը կենտրոնացնելով Երևանի ուղղությամբ: Վերջինս գրավելու և Արաքս գետը ռուս-պարսկական սահմանագիծ դարձնելու նպատակով 1804 թ. հունիսին ռուսական առաջապահ զորամասերը Լոռի-Փամբակով հասան Գյումրի՝ հաղթական ճակատամարտ տալով պարսկական զորակազմի ուժերի դեմ: Այսպես սկսվեց 1804—1813 թթ. ռուս-պարսկական պատերազմը:

Հասնելով Գյումրի՝ Ցիցիանովը շարժվեց դեպի էջմիածին, ուր դիրքավորվել էր Աբաս-Միրզայի բանակը: Ռուսական կորպուսը շրջանցելով էջմիածինը, հունիսի վերջին գրավեց Քանաքեռը և պաշարեց Երևանը: Սակայն վճռական գործի անցնելու փոխարեն ռուսաց հրամանատարը սկսեց բանակացություններ վարել Երևանի Մամադ խանի հետ՝ հնարավորություն տալով Աբաս-Միրզային վերադասավորելու իր ուժերը և օգնության հասնելու վերջինիս: Փամբակի լեռնանցքը պարսկական ուժերի կողմից փակվելու սպառնալիքը, ինչպես նաև պարսիկ և ռազմամթերքի խիստ պակասը՝ հարկադրեցին ռուսներին դադարեցնել Երևանի բերդի պաշարումը և վերադառնալ Թիֆլիս:

⁸ Պավել Ցիցիանովը (վրաց որոշ դրականություն մեջ Պավլի Ցիցիշվիլի) ընայած աղգակցական կապերով կապված էր վրացական թագավորական տան հետ, սակայն Վրաստանը հպատակեցնելու միջոց է համարում արքայական ընտանիքի արտաքսումը երկրից և այդ ծրագիրը նա իրագործեց արտակարգ դաժանությամբ (մանրամասն տե՛ս Акты, собранные Кавказской археографической комиссией (այսուհետև՝ АКАК), т. II, էջ 19, 199, 201, 210, В. Потто, Закавказская война, т. II, СПб, 1885: Լեոն, նշվ. աշխ. և այլն): Իր տոհմի դահլճն արտաքուստ քաղաքականություն դրսևորելով ռուսական նվաճումները տարփողող հաորոշ գործիչների նկատմամբ, օգտագործեց նրանց հեղինակությունը՝ հայությանը մասնակից դարձնելու իր բռնադավթմանը: Սակայն քամելով հայոց կարողությունը, մխմելով ալն, ճգմած կիտրոնի նման դեն շպրտեց՝ դրսևորելով մոլի հայատյացություն:

⁹ Ցիցիանովի բանակի համար պարենի և ռազմամթերքի փոխադրման հանձնառուն էր Սելիք Արսլի որդի Ռոստոմ րևկը, որը 2 սնդամ մեծ ջանադրությամբ և արտակարգ հմտությամբ կատարել է իր առաքելությունը՝ փրկելով ռուսական բանակը անխուսափելի կործանումից: Սակայն երրորդ անգամ նրա լիազորած փոքրիկ ջոկատը Փամբակում ենթարկվեց պարսկական ստվարաթիվ զորքերի հարձակմանը: Վերավոր Ռոստոմը գերվում է, տարվում Թավրիզ, ուր սպանվում է Աբաս-Միրզայի հրամանով (տե՛ս Լեոն, նշվ. աշխ., էջ 229—231):

Մինչ այդ, 1804 թ. գարնանից սկսած, Իբրահիմը դիմադարձ կատարեց Ռուսաստանի հանդեպ իր որդեգրած քաղաքական վարքագծից, Բանն ալն է, որ Լըկյուղեյով պարսիկների վրեժխնդրությունից¹⁰, նա սկսեց ապահովության հպատակություն որոնել Յիցիանովի մոտ: Փոխարենը վերջինս խանից պահանջեց անխախտելի հաճատարություն, Շուշիի բերդը տրամադրել ռուսական զորքերին, պատանդ տալ իր ավագ որդուն և, որպես հպատակության և րաշխիք, տրամադրել 10 հազար ոսկի և ավելացրեց. «Ի փոխադարձություն այս ամենի, ամենապաժառուփալադուն, ամենակարող մեծ թագավորը հաստատում է ձեզ և ձեր տոհմը խանական կողմի մեջ բարձրագույն հոգևորականով, բոլոր իրավունքներով և առավելություններով»¹¹: Սակայն Իբրահիմն իր անկախությունից հեշտ հրաժարվողը չէր: Մի կողմից քաղաքական սիրախաղ սկսելով Ռուսաստանի պաշտոնական ներկայացուցչի հետ, մյուս կողմից՝ ժամանակ շահելու միտումով հետևում էր պարսկական զորքերի զլխավոր հարվածի ուղղությանը: Եվ երբ հստակեցրեց վերջիններին՝ Երևանի ճակատով պորձելու փաստը, «խանի հպատակական ջերմեռանդությունը Ռուսաստանի վերաբերմամբ սկսեց թուլանալ մինչև այն աստիճան, որ Յիցիանովը պատասխան չստացավ նրանից և այդպես էլ վեր կացավ և Երևանը առնելու գնաց»¹²:

Երևանյան անհաջող արշավանքից հետո Յիցիանովը վերսկսեց բանակցությունները Շուշիի խանի հետ, այդ նպատակով Իբրահիմի մոտ ուղարկելով մայոր Լիսանեիլին: Վերջինս խանին պետք է հայտներ ռուսական զորքերի զլխավոր հրամանատարի կամքը՝ հանդիպել Գանձակում և կնքել դաշնագիր: Հանգամանքներն Իբրահիմին թելադրում էին տեղի տալ և ընդառաջ գնալ Ռուսաստանի ցանկություններին: Բանն ալն է, որ պարսիկների հրահրմամբ նրա դեմ ապստամբել էր որդիներից մեկը: Ֆաթալի շահը դրանով վերջին փորձն էր կատարում ստիպել Իբրահիմին՝ դիմադարձվել Ռուսաստանի հետ տեսանելի մերձեցումից ու հակվել դեպի Պարսկաստանը: Շուշիի խանը կասկածանքով է վերաբերվում նաև խանությունում իր՝ անպատիժ իշխելու շահի հավաստիացումներին ու Գանձակի խանի ճակատագիրը չկիսելու և խանական կարգավիճակը պահպանելու համար ընդունում է Յիցիանովի պայմանները: Սակայն պատրվակ դարձնելով ընթացող ապստամբության պատճառով իր Լըկյուղեյովից, ինչը բացառում է նրա՝ Ղարաբաղից տեղական ժամանակով բացակայելու հնարավորությունը, Շուշիի տիրակալը դաշնագրի կնքման վայր առաջարկեց ռուսական տիրապետության և խանության միջև գտնվող սահմանագլուխը: Առաջարկությունն ընդունվեց:

Ավելի քան 190 տարի առաջ, 1805 թ. մայիսի 14-ին, պատմական Գեղաշենից ոչ շատ հեռու, Քուրակչայ (Կուրակն) գետի ափին Վարանդայի մելիք Զումշուդ Մելիք-Շահնազարյանի և Թիֆլիսի ու Գանձակի հայոց հոգևոր առաջնորդ Հովհաննես Գեղարդակրի ներկայությամբ Յիցիանովը և Իբրահիմ խանը ստորագրեցին 11 հոդվածից բաղկացած մի պայմանագիր, որով, փաստորեն, Ղարաբաղը մտավ Ռուսաստանի կազմը: Դաշնագրի առաջին հոդվածով Իբրահիմը իր և իր ժառանգների ու հաջորդների անունից հրաժարվում էր «Պարսկաստանից կամ մի այլ պետությունից վասալական կամ առհասարակ ուրիշ որևէ տիրույթ ունեցող որևէ կախում ունենալուց» և համառուսական կայսերական գերագույն իշխանությունից բացի չէր ճանաչում «ուրիշ մի ինքնակալություն»¹³, Հաջորդ հոդվածով «նորին կայսերական մեծությունը, ընդունելով նորին բարձրաստիճանության կողմից տված անկեղծ խոստումը, հավասարաչափ խոստանում է հուսադրում է իր կայսերական խոսքով իր և իր հաջորդների անունից շնորհն ու բարեխնամությունը Շուշու և Ղարաբաղի

10 Իբրահիմը բոլոր հիմքերն ուներ Շուշիում Աղա Մահմադ խանի սպանության պատճառները որոնելու նրա վարքագծի մեջ:

11 АКАК, II, № 1420.

12 Լ և ո, նշվ. աշխ., էջ 247:

13 Լ և ո, նշվ. աշխ., էջ 249:

Իբրահիմ խանից և նրա ժառանգներից, ինչպես իրեն հավատարիմ հպատակների, երբեք չեն խլվի, որին իբրև ապացույց նորին մեծությունը տալիս է իր կայսերական երաշխիքը, թե նորին բարձրաստիճանություն և նրա ժառանգների ներկա կայվածների սմբողջականությունը պահպանված կլինի¹⁴։ Երրորդ հոդվածով Իբրահիմ խանը, թիսկ նրանից հետո նրա ավագ որդին և այգպես շարունակ, որդոց որդի, ըստ ավագության պարտի, մտնելով խանական իշխանության մեջ, կստանան Վրաստանի կառավարչապետի միջոցով խանության կայսերական հաստատությունը և իշխանության նշանը, որ բաղկացած կլինի պետական կնիքով վավերացված հրովարտակից¹⁵, որը ստանալուց հետո նոր խանը պարտավոր է ուսական կայսրությանը տալ հավատարմության երդում։ Այնուհետև խանը պարտավորվում էր առանց Վրաստանի կառավարչապետի համաձայնության հարաբերություններ չունենալ հարևան պետությունների հետ¹⁶։ Մյուս՝ 5—11-րդ հոդվածները վերաբերում են Ղարաբաղում Իբրահիմի և նրա հաջորդների խանական կարգավիճակի պահպանման կայսերական բարեհաճությանը, ներքին կառավարումը, դատը և դատաստանը, կայվածքների եկամուտները խանի կամքին թողնելուն, Շուշիի բերդում 500 ուսա զինվորներ և սպաներ տեղավորելուն, կայսերական գանձարանը խանի կողմից ամեն տարի 8 հազար ոսկի մուծելուն և այլն¹⁷։ Դաշնագրի սկզբունքները իրավական ձևակերպում ստացան Գյուլիստանի հաշտության պայմանագրում, որով Ղարաբաղից բացի Պարսկաստանը մեկընդմիջտ հրաժարվում և Ռուսաստանի մշտնջենական սեփականություն էր ձանաչում Դերբենդի, Դուբայի, Բաքվի, Թալիշի, Շիրվանի, Շաքիի, Գանձակի խանությունները, Վրաստանը, Դաղստանը և Շորաքլալի գավառը։

Քուրակլալի դաշնագրի ոչ քննական վերլուծությունն անդամ ակնհայտ է դարձնում մի պարզ ճշմարտություն. այստեղ բոլորովին մոռացված էր Ղարաբաղի իրական և բնիկ տերը՝ հայությունը, որի թվակազմը Ցիցիանովի իսկ խոստովանությամբ, մինչև XVIII դ. վերջերը, այսինքն՝ Աղա Մահմադ խանի աթափվանքը, տատանվում էր 40—60 հազար ընտանիքների սահմաններում¹⁸։ Մոռացված էր մի ժողովուրդ, որն իր քաղաքական ազատության հույսն ավելի քան մեկ դար լծորդեց ուսական առաջխաղացման հետ, ամենացորդ նվիրաբերվեց Այսրկովկասում Ռուսաստանի դիրքերի ամրապնդմանը, հրավիրեց նրան տարածաշրջան, իսկ վերջինս էլ ազատության և անկախության ոգեկոչումներով և բազմաթիվ խոստումներով բարձրացրեց հայության հերոսական տրամադրությունը, ազատագրական տենչը՝ պայքարելու համար եկվոր խանի դեմ։ Այժմ Ռուսաստանը դիմադարձ կատարեց իր հայեցակետից՝ հաստատագրելով անօրենի տիրապետությունը հայահոծ մի տարածք վրա¹⁹ և դառնալով այդ տիրապետության պահպանման երաշխավորն այն ժամանակ, երբ Քուրակլալից ընդամենը մի քանի տարի առաջ Ռուսաստանը Ղարաբաղի իրական տերեր էր համարում հայ մեծիքներին, խոստանում

14 Նույն տեղում։

15 Նույն տեղում։

16 Նույն տեղում։

17 Նույն տեղում, էջ 250, 251։

18 Եթե հաշվի առնենք, որ հայությունն այդ ժամանակ և հետագա հարյուրամյակում ապրում էր պերդաստաններով, որոնցից յուրաքանչյուրում միջին հաշվով կար 10—15 անդամ, ապա ընտանիքների՝ վերը նշված թվաքանակի կրկնակի չափազանցության դեպքում անդամ Ղարաբաղի լեռնային հատվածում պետք է որ ապրեր 300 հազարից ոչ պակաս բնակչություն, որի մի մասը, ինչպես նկատեցինք, ծվեն-ծվեն տարադրվել էր այսրկովկասյան տարբեր ծափեր Միայն Շամախու խանության սահմաններն է տարադրվել 8 հազար արցախահայ ընտանիք։

19 Քուրակլալի պայմանագրի 5-րդ հոդվածում ուղղակի նշված է. «Նորին կայսերական մեծությունը... իր և իր հաջորդների անունով խոստանում է... 2) բարձրաստիճան Իբրահիմ խանին և նրա տան ժառանգներին և հաջորդներին պահպանել անպատճառ Շուշու խանության վրա» (Լ և ո, նշվ. աշխ., հ. IV, էջ 250)։

ներանց միջոցով վերականգնել հայկական պետականությունը: Եվ համահայկական առաքելություն ստանձնած արցախահայությունը մաքառեց՝ թիկունքում՝ զղալով իր նկատմամբ Ռուսաստանի «համակրալից» շնչառությունը: Մակայն քաղաքականությունը երբեք չի քաշվել ստորությունից ու նենգությունից, և այնքան դրան Ռուսաստանը հավատարիմ մնաց դրանց՝ պաշտպան կանոններով եկվոր մի թուրք խանի, որի տոհմը Ղարաբաղում ուներ միայն կես դարվա, այն էլ տանտեր ժողովրդի դեմ երկարատև և անողորմ պայքարի պատմություն:

Ինչ խոսք, Շուշիի խանի և ռուսաց կայսեր քաղաքական շահերն այստեղ համընկնում են: Իրրահիմն իր և իր հաջորդների համար հայաշխարհում օրինականացնում է մի իշխանություն, որը ջնջում է հայ հողատիրությունը, ընդլայնում հայոց ազգային և կրոնական զգացմունքները վիրավորող թուրք և մուսուլմանական հողատիրության ձևերը: Ինչ վերաբերում է Ռուսաստանին, ապա նա անարյուն, զուտ քաղաքական հաղթանակով ամրակայվեց ռազմավարական մի տարածքում, որը Ցիցիանովի իսկ խոստովանությամբ ոչ միայն Վրաստանը կապում էր Բաքվի հետ, այլև «իր դիրքով կարող է համարվել Ադրբեյջան կամ, ու եռլյնն է, Պարսկաստան մտնող դռներ և երկուսին էլ պիտի երկուդի մեջ պահի (ընդգծումը մերն է—Վ. Հ.)»²⁰:

Քուրակչալի դաշնագրին ազդարարեց Ղարաբաղի խանի ²¹ և հայ մեծերների միջև ավելի քան 50 տարի ընթացած պայծառի ավարտը և վերջիններիս կատարյալ ջախջախումը: Պայմանագիրն արմատախիլ արեց Արցախ աշխարհում պահպանված հայ ժողովրդի քաղաքական ինքնորոշման վերջին ուսուր՝ թաղելով խամսան և պատմական այս փուլում հայոց պետականության վերականգնման հարցը: Ամենազավեշտականն այն էր, որ դաշնագրի կնքման պահին Իբրահիմի կողմից մասնակցում էին Աղվանից կաթողիկոս Խորայեղը, իսկ ռուսների կողմից՝ արդեն նշված Մելիք Զումշուղը և Հովհաննես Գեղարդակիրը, որոնք կարծես թե բերվել էին Քուրակչալ՝ ականատես դարձվելու հայոց կորստյան գրին: Եթե առաջինը տեսակցության վայր էր եկել ոչ թե «հայկական իշխանության վերջին բեկորներից գեթ մի բան փրկելու, այլ... իր եկամուտը պաշտպանելու համար»²², ապա Վարանդալի մեկը բավարարվեց Իբրահիմ խանից իր որդուն ու թոռանը ստանալով, իսկ Գեղարդակիրը՝ իր առաջնորդական հարցերը կարգավորելով: Ինչ վերաբերում է խամսայի մյուս մեկերներին²³, ապա նրանք հիմնականում զբաղված էին իրենց

²⁰ Նույն տեղում, էջ 252: Այստեղ «Ադրբեյջան» նույնացված է Պարսկաստանի հետ: Խոսքը վերաբերում է ոչ թե հետագայի արհեստածին, այսպես կոչված, Հյուսիսային Ադրբեյջանին, ալլ ռուս Ադրբեյջանին՝ Ատրպատականին, որը Պարսկաստանի հյուսիսային րազադրանան է:

²¹ Աղերի պատմաբանները տարփողել և այսօր էլ տարփողում են այն խեղաթյուրանքը, թե քանի որ Քուրակչալի պայմանագիրը կնքվել է Շուշիի թուրք Իրրահիմ խանի մասնակցությամբ, ապա Ղարաբաղի մահմեդական-ադրբեյջանական (որ նույնն է՝ թուրքական) խանությունն է մտել Ռուսաստանի կազմը, մոռանալով ոչ միայն Ղարաբաղի իրական տեր մեկերներին, որոնք պայմանագրի կնքման նախօրյակին դարձել էին աստանդական, այլև խանության ջախջախիչ մեծամասնություն կազմող հայությունը: Եթե առաջնորդվելու լինենք այս անհեթեթ տրամաբանությամբ, ապա, ասենք, IX—XI դդ. բյուզանդական կայսրությունը չի կարելի դիտել հունական պետություն, քանի որ այստեղ շուրջ 2 դար անընդմեջ իշխում էր հայկական հարստությունը: Նույնն է՝ Կիևյան Ռուսիան համարել նորմական երկիր, կամ. Եգիպտոսի փոխարքայությունը՝ արաբական տարածք, քանի որ առաջինի հիմնադիրը Ռյուրիկ Նորմանացին էր, իսկ երկրորդը կառավարվում էր արաբացի Մուհամեդ Ալու և նրա ժառանգների կողմից:

²² Լևոն, Նշվ. աշխ., էջ 258:

²³ Միայն Գյուլիստանի մեկեր Արովն էր, որ հեռվից փորձում էր ինչ-որ բան պոկել Քուրակչալից: Սակայն նրան արգելված էր վերադառնալ հայրենիք, քանի որ առանց նրա վրաստանի հարավային մասը վտանգված կլիներ: Այսպես, խամսայի մեկերը պետք է պաշտպանեին մի օտար տարածք այն ժամանակ, երբ Քուրակչալի մի վրանում օրհնականացվում էր իր պապենական տիրույթի օտարումը:

բաժին հասած նոր տիրույթներում իրար միջև հին հակասությունները նորացնելով և հայրենիքի բախտը տնօրինելու պահին հանդես չբերին հավաքական կամք՝ մեկ անգամ ևս դրսևորելով անմիաբանություն, քաղաքական արդարացված և տրամաբանված պահանջներն ինքնուրույն առաջադրելու անընդունակություն, իրենց իրավունքները պաշտպանելու անկարողություն:

Զավեշտական պետք է համարել և այն, որ ավելի քան մեկ դար քաղաքական կապեր հաստատելով ռուսական տարբեր միապետների և նրանց շերտապատի հետ, գործուն աջակցություն ցուցաբերելով Այսրկովկասում և, մասնավորապես, Ղարաբաղում Ռուսաստանի տիրապետության հաստատագրմանը, հայ մեղիքները ոչ միայն շատացան որևէ վարձատրություն կամ թեկուզ ձևական շնորհ, այլև նրանց վաստակած հասանելիքը բաժին ընկավ մեղիքների հակառակորդ, Ռուսաստանի առաջխաղացման դեմ պարբերաբար առճակատող և միայն վերջին պահին հարկադրաբար նրա վեհապետությունը ընդունող Իբրահիմին: Օրինակ, Յիցիանովը, միջնորդելով Ալեքսանդր կայսեր առջև Ղարաբաղում Ռուսաստանի տիրապետության հաստատման ակտիվորեն մասնակցություն ցուցաբերած անձանց պարգևներ շնորհելու հարցում, խնդրում է Իբրահիմ խանին տալ դեներալ-լեյտենանտի, իսկ որդիներին՝ գեներալ-մայորի կոչումներ, զգալի ռոճիկ: Նրա խնդրանքը բավարարվում է: Այստեղ էլ ոչ մի խոսք՝ Ղարաբաղի մեղիքների մասին: Եվ ինչպես ցույց կտա դեպքերի հետագա ընթացքը, այսքանից հետո էլ ոչ թե Շուշիի «վարձատրված» խանը, այլ Ղարաբաղի մեղիքները և, ընդհանրապես, հայերն էին շարունակում հավատարմություն ցուցաբերել Ռուսաստանի նկատմամբ: Իսկ դեպքերը երկար սպասեցին լուծման:

Քուրակչայի դաշնագրից կարճ ժամանակ անց պարսկական ուժերը նորից շարժվեցին դեպի Ղարաբաղ՝ «մոլորյալ» խանին դարձի բերելու և ռուսներին Շուշիից դուրս քշելու մտադրությամբ: Իբրահիմը ոչ միայն դիմադրություն ցույց չտվեց, այլև պատրաստվեց կրկին ընդունել Պարսկաստանի հպատակությունը և նրա օգնությամբ վերսկսել պայքարը «անհավատ ռուսներին» դեմ՝ միաժամանակ առերես շարունակելով օգնություն հայցել Յիցիանովից: Վերջինս խանից պահանջում է հավատարիմ մնալ դաշնագրի ոգուն և կատարել ստանձնած պարտավորությունները²⁴: Մական դիխավոր հրամանատարի այս ակնկալությունները չիրականացան, և նա ընկնելով ծանր կազուկյան մեջ՝ կրկին հիշեց իր կողմից մոռացության մատնված հայերին. «Մի՞թե դուք, Ղարաբաղի հայեր, որ մինչև այժմ փառավորված էիք ձեր քաջությամբ, փոխվել եք այժմ, երբ ձեր տիրողը՝ Ղարաբաղի բարձրաստիճան Իբրահիմ խանը, մտել է ռուսական կայսրության մշտնջենական հպատակության մեջ... Ինձ հայտնի է Ձեր վաղեմի քաջությունը, ուստի և կանչում եմ ձեզ մեծ և ամենագոր թագավոր կայսրի սրբազան անունով՝ միանալ նրա մեծափառ և անպարտելի համառուսական զինվորներին՝ ընդդեմ պարսկական զորքերի, որոնք ձեռնարկել են ավերել Ղարաբաղը և հափրշտակել ձեր անձնական կայքը»²⁵: Յիցիանովի սկսբարտառվածությունը լահման էր ճանաչում և հեռու էր դիվանադիտական դիմելաոճից: Նա մի կողմից օգնություն էր հայցում հայերից, իսկ մյուս կողմից շահարկելով նրանց ճարահատյալ վիճակը՝ խփում տեղաբնիկների ազգային ինքնատիրությունը, Ղարաբաղի հայությանը նորից հիշեցնում Իբրահիմի «մշտնջենական» տերունական իրավունքը նրանց վրա: Վերջինս էլ առաջվա նման պետք է պայքարեր ոչ թե անկախ կամ կիսանկախ պետություն ստեղծելու, այլ միայն «անձնական կայքը» պարսկական հափշտակումից փրկելու համար: Վերջում նամակագիրը հայերին կոչ էր անում միանալ գնդապետ Կարյազինի հրամանատարությամբ Ղարաբաղ ուղարկվող ռուսական զորքերին²⁶: Մական «ամայացած երկրի մեջ այլևս չկային ո՛չ հին մարտիկները, ոչ էլ նրանց

24 Մանրամասն տե՛ս ԱԿԱԿ, II, № 1444:

25 Նույն տեղում, թ. 1714:

26 Նույն տեղում:

անվահեր առաջնորդները՝ մեկիքները: Ոմանք պառկած էին դերեզմաններում, մյուսները տնավեր էին դարձել հենց Իբրահիմ խանի ձեռքով, իսկ մեծամասնությունը ընդունելով թողել էր հայրենիքը, ցրվել հարևան իշխանությունների մեջ: Հին հարդեյի տոհմերի տեղ գլուղապետներ էին նշանակված հասարակ ծագման տեր մարդիկ, որոնք ժողովրդի աչքին ամենափոքրիկ հեղինակություն անդամ չունեին և որոնք առաջիններից զանազանելու համար կոչվում էին «խանական մեկիքներ»²⁷:

Այս պայմաններում անդամ արցախահայերը նորից նետվեցին մարտի: Հատկապես անօրինական սխրագործություններով աչքի ընկավ Ջրաբերդի իուսապատ դուզի Հարություն յուզրաշու որդի Վանի Աթաբեկյանը, որի ջանքերով Ասկերանում, Շահ Բուլաղում և այլուր ռուսական զորքերը փրկվեցին անխուսափելի ոչնչացումից²⁸: Եվ այն ժամանակ, երբ հայերը, զսպելով նվաստացումը, անօրինակ սխրագործություններով դուրացնում էին ռուսական զորքերի համար ստեղծված անհասարակ պայմանները, 1806 թ. փետրվարին Բաբվի պատերի տակ դավադրաբար սպանվեց իշխան Ցիցիանովը, որի մահը նոր ընդվզումներ առաջացրեց Այսրկովկասում: Ռուսներին նախկինում հավատարմություն հայտնած այսրկովկասյան խաները, ջանալով վերականգնել իրենց անկախությունը, հեռացրին կամ ոչնչացրին ռուսական և կավամարդ զորամասերը: Նույն բային փորձեց դիմել նաև Իբրահիմ խանը, որը մոռանալով Քուրակչայում ռուսներին տված հավատարմության երդումը, Շուշին հանձնելու և ռուսական զորաբաժինը ոչնչացնելու նպատակով գաղտնի րանակցություններ էր վարում Աբաս Միրզայի հետ: Ավելին, Ֆաթալի շահին վստահություններ չեն չեղելու համար նա իր դուստրերին կնություն է տալիս շահի որդիներին, փոխարենը ստանալով առատ նվերներ: Այդ դավադրությունը բացահայտվեց Մելիք Ջումշուդի միջոցով: Եվ երբ պարսից զորքերին դիմավորելու համար Իբրահիմը դուրս էր եկել Շուշիից՝ սպանվեց ռուս զինվորների կողմից: Խորհրդանշական է, որ երդմանզանց խանն իր մահկանացուն կնքեց Քուրակչայի դաշնագրից ուղիղ մեկ տարի անց՝ 1806 թ. մայիսին: Այսբանից հետո էլ, Ռուսաստանը, հավատարիմ Քուրակչայի պայմանագրին, չվերացրեց խանությունը, այլ Շուշիի խան կարգեց Իբրահիմի որդի Մեհտի Ղուլին, որը հորից ժառանգել էր նրա ամբողջ խորամանկությունը, երկդիմությունը, ուխտանենգությունն ու անգթությունը²⁹: Նորից անտեսվեցին հայ մեկիքների օրինական իրավունքները, որոնք Քուրակչայից հետո էլ շարունակում էին հավատարմության օրինակներ ցույց տալ ռուս զորքերին: Իսկ Մեհտի Ղուլին, իր հոր արժանավոր դավակր, նույնպես լքեց ռուսներին, 1822 թ. ճողոպրելով Պարսկաստան: Նույն թվին Ռուսաստանը վերջ դրեց խանությանը և Ղարաբաղում մտցրեց ռուսական կառավարչություն: Այս բայով Ռուսաստանն ինքն էր խախտում Քուրակչայի դաշնագիրը, որի 2-րդ և 5-րդ հոդվածներով կայսրությունը պարտավորություն էր ստանձնել խանական իշխանությունը մշտնջենական դարձնել Իբրահիմի և նրա հաջորդների համար:

Հնդհանրացնենք. XIX դ. սկզբներից Ռուսաստանը դիմադարձ կատարեց նախորդ դարաշրջանում հայերին բազմիցս տված շռալ խոստումներից, երբ պարտավորվում էր իր հովանու ներքո Ղարաբաղում ստեղծել պետական մի կազմավորում, որը կդառնար հայկական ապագա մեծ պետության միջուկը: Այժմ, XIX դարասկզբին, իրավիճակը փոխվել էր, ինչը թելադրում էր Ռուսաստանին՝ «բաղաբական սիրախաղ» սկսել Ղարաբաղում իրական տեր դարձած Իբրահիմ խանի հետ ու հարգել կատարված փաստը: Եվ կնքելով Քուրակչայի պայմանագիրը, Ռուսաստանը, ինչպես հատուկ է բոլոր տերություններին, ելնում էր կոնկրետ փո պետական շահերից: Հակառակ հնաքա-

27 В. Потто, Утверждение..., с. 200.

28 Օսնրամասն տե՛ս В. Потто, Первые добровольцы Карабаха, Тифлис, 1902, с. 13—28.

29 Լ Ե ո, նշվ. աշխ., էջ 296:

վոր չէ պատկերացնել: Եվ զարմանալի ոչինչ չկա, երբ քաղաքակրթությունը և քրիստոնեությունը տարփոխող հզոր մի պետություն զոհաբերում է մի ժողովրդի, որն անմնացորդ նվիրվածություն ուներ իր նկատմամբ: Ռուսաստանը, օրինականացնելով խանական տիրապետությունը, հետապնդում էր կոնկրետ հետաքրքրություններ. Ղարաբաղում խանի և մելիքների միջև պայքարն ավարտված է հօգուտ առաջինի, որը բազմիցս խաբելով ու մոլորեցնելով ռուսներին, ստեղծված իրավիճակում պատրաստվում էր ընդունելու նրանց հպատակությունը: Դա լրիվ բավարարում էր Ռուսաստանին: Չէ՞ որ խաղաղ, քաղաքական ճանապարհով ձեռք բերած հաղթանակը գերադասելի էր անհայտ ելքով պատերազմից, և կարիք չկար հայության համար մտնել ավելորդ գլխացավանքի մեջ, մանավանդ, որ նեղացնելով վերջինիս, նրան դարձնում էր ոչ թե իր թշնամի, այլ նույնքան ջերմեռանդ, այդուհանդերձ վիրավորված, «հայրական» ապտակ ստացած բարեկամի: Իսկ թշնամի խանի իղձերն արտահայտելով՝ նրան կտրում էր Պարսկաստանից և դարձնում իր կամարտահայտիչը, հաշվարկ, որը տեղավորվում է ձևական տրամաբանության շրջանակներում: Այլ բան է, որ Ռուսաստանն այդպես էլ հասու չեղավ մինչև վերջ ընկալելու արևելյան, ասիական «բարեպաշտության» ողջ կեղծությունն ու նենգությունը և Քուրակչայից ու հետագա նման բաղձաթիվ գործարքներից ոչինչ չշահեց այնքանով, որքանով որ հայությունը կորցրեց շատ բան:

К ВОПРОСУ О КЮРЕКЧАЙСКОМ ДОГОВОРЕ

В. А. АКОПЯН

Р е з ю м е

Начиная с конца XVIII в. Россия отказалась от освободительной иллизии екатерининской эпохи, развеяв иллюзии армян. Ярким выражением этого явилось заключение в 1805 г. Кюрекчайского договора, который на целое столетие предал забвению надежду карабахских армян на политическую свободу, связанную с передовой Россией. Этот договор возвестил об окончании борьбы карабахского хана с истинными владетелями региона—армянскими меликами, длившейся на протяжении более чем 50 лет и развеявшей последнюю надежду армян на политическое самоопределение (Хамса), сняв тем самым с повестки дня вопрос о восстановлении армянской государственности.